

PENDARIES (Anthoine), notaire de Villemur, Villemur-sur-Tarn, minutes 1619-1620, f° 500 (v°) & ss., Archives départementales de la Haute-Garonne, cote 3E 21768, PH/JCHR/6813.

(...)

Testament Guilhemot

Au nom de dieu soit sachent tous presens & advenir
que ce jourd'huy **vingt sixiesme** du moys de **juillet** an **mil
six cens vingt** apres midy dans ma mai(s)on a **villemur** diocese
de montauban et sen(echau)cee de th(ou)l(ouse) soubz le regne de n(ot)re souverain prince
louys par la grace de dieu roy de france et de navarre
devant moy not(aire) et tesmoins bas nommes constitué en
sa personne **jean guilhemot dit de la petite laboureur** du
lieu **de villebrumiér** lequel disposé de corps et d'esperit
ainsi qué m'a appareu et aux tesmoins soubz escritz
considerant ny avoir rien de plus certain q(ue) la mort ny
de plus incertain que l heure dé son plein gré non induit a cé
f(air)e ceduit ny suborné de personne a voleu pourvoir au salut
de son ame et disposer des biens temporelz q(ue) dieu luy a donne
en ce monde en la forme et maniere que s'ensuit premierement

501

a fait le signe de la croix sur sa personne disant
au nom du pere du filz & du saint esperit amen a
recommandée son ame a dieu le pere tout puissant le priant
qu'il luy plaise la vouloir collocquer en son saint paradis
par le merite de la mort et passion de son filz unicque n(ot)re
seigneur et redempteur jesus christ et par l intercession de
la glorieuse vierge marie saintz et saintes de paradis et a voleu
q(ue) son corps soit chrestienement ensepvely au cemitiere de l'eglise
saint theodard dud(it) lieu de villebrumier et tumbeau de ses amis
et parens defuntz et quand a ses honneurs funebres s'en remet
a la discretion de ses hoirs bas nommes s'assurant qu'ilz y
feront leur debvoir / déclaré led(it) testateur q(ue) est
marie avec marie monestiere a laquelle il a si devant
recognu ce q(u'i)l a receu devant **picat not(aire) de s(ain)t naufary**
an et jo(ur) y contenus lacquelle recog(noissan)ce il ratiffie par tant que
besoing est et veult q(ue) sorte son plein et entier effet comme
faite sans dol ny fraude et veult aussi qu'elle soit
maistresse seigneuresse et administreresse de tous et ch(ac)ungs
ses biens et heredite tant qu'elle vivra en ce monde viduell(emen)t
et honnestement norissant et entretenent ses hoirs bas
nommes comme elle a fait jusques ycy sans estre tenue d'aucune
reddi(ti)on de compte de quoy par expres il la descharge par
cesluy son testament avec interdi(cti)on a ses hoirs de l'en
rechercher et injonction de luy obeyr la servir et
honorer a peyne de priva(ti)on de leur portion d'heritage
et au cas elle né vouldroit demeurer avec eulx veult
et ordonne q(u'i)lz luy baillent de mai(s)on po(u)r sa demeure et
terre po(u)r f(air)e jardrin et de meubles et ustancilles de mai(s)on
po(u)r son service au dire et jugement de deux espertz desquelz

veult q(ue) par sad(ite) femme en soit prins et choisi l un et
l autre par sesd(its) hoirs bas nommes le tout sans figure
de proces / et po(u)r sa pen(tion) veult luy estre paye annuelle(emen)t
pendent sa vie] quatre sacz[cinq sacz de bled bon et marchent
mesure de villebrumier en ch(ac)une feste s(ain)t barthelemy appostre

une pipe de vin clairet et pur et une barricque du premier
demy vin ung pourceau de valleur de troys livres six
boisseaux de sel la somme de doutze livres t(ournoi)z en argent quatre
livres huile d'olif et six de noix a la s(ain)t martin / chaussee
en soliers a ch(ac)une feste de noel / une robbe drap grix ou blanc
a son obtion et choix de trois en trois ans / et en oultre veult
et ordonne que annuellement sesd(its) hoirs soient tenus de luy semer
a son proffit une raze de lin a tel endroit que elle sera
advisé **a dit** led(it) testateur **avoir mariees** marie & marg(uerit)te
guilhemotes **ses filhes** legitimes et naturelles / lad(ite) **marie avec**
anthoine pendaries laboureur des filhols et lad(ite) **marg(uerit)te avec jean**
esquie aussi laboureur del terme et a icelles avoir constitue
doaire resultant des contractz de leur mariage retenus sçavoir
celluy de lad(ite) marie par moy not(aire) et celluy de lad(ite) marg(uerit)te par m(aître)
guill(aume) ferran not(aire) dud(it) villebrumier an et jo(u)r y contenus lesquelles
constitu(tion)s il rattifie veult et entend que sortent a leur entier
et de plus leur donne a ch(ac)une desd(ites) marie et marg(uerit)te ses filhes
po(u)r toute sorte de supplement de legitime et autres droictz qu'elles
pourroient prethendre et demander sur ses biens et heredite la
somme de cinq solz t(ournoi)z une fois payable par ses hoirs bas nommes
dans l an de son deces et avec cé les fait et institue ses
hoires particulieres et veult que né puissent rien plus demander
sur ses biens et heredite / donne et legue led(it) testateur a
raymonde blesse sa belle filhe et femme a anthoine guilhemot po(u)r
toute sorte de prethen(tion)s qu'elle peult avoir sur ses biens soit
a cause de certains meubles q(u'i)l en a receus et dont la plus part
sont deperis et [con]sume ou autrement la somme de cent livres t(ournoi)z
une fois payable par ses hoirs dans deux ans apres le deces
de ce testateur et moyenant cé veult qu'elle né puisse rien
plus demander sur ses biens et heredité / si donne et legue
par preciput aud(it) anthoine guilhemot son filz en [con]sidera(tion)
des fruitz et revenus qu(u'i)l peult avoir receus ou recevra jusques
au jo(u)r de son deces des biens de lad(ite) raymonde blesse la somme
de deux cens livres t(ournoi)z po(u)r estre employee **a marier ses filhes**

502

& de lad(ite) raymonde au cas viendroict a les collocquer en
mariage autant a l une qu'a l autre esgallité gardee / a icelle
somme de deux cens livres prendre sur le blot de son heredite
voulant neanmoings q(ue) si lesd(ites) filhes ou l une d icelles ou autres
procedant du mariage desd(its) guilhemot et blesse si point en proviennent
d autres venoient a deceder avant qu'elle ce marient q(ue) le susd(it)
legat soit et demeure comme non faict et comme non advenu
et par cé qué le chéf et fondement de tous testamens est
l institu(tion) hereditaire et que sans icelle tous testamens sont ditz
invalables / led(it) guilhemot testateur en tous et ch(ac)ungs ses

autres biens meubles immeubles droitz voix et actions generale(men)t
quelsconques a faitz institues et de sa propre bouche
nommes et surnommes ses heretiers universselz et generalz
sçavoir est **le susd(it) anthoine / helie/ et andrieu guilhemotz**
fre(res) **ses fils** legitimes et naturelz par esgalles partz et portions
partir et diviser et ch(ac)ung de son tiers f(air)e et disposer comme
ung ch(ac)ung fait et dispose du sien s(e)ul a la vie et a la mort
en paiant les charges hereditaires et satisfaisant entierement
a son present testament n entend neanmoins led(it) testateur
comprendre a son heredite une piece de terre acquise par lesd(its)
anthoine et helie au terroir de la mothe sailhens des deniers
provenus de la vente d une piece de vigne a eulx aparte(nant) dans
le vignoble de villemur **comme filz et hoirs a feue lizotte melote**
ains declare estre a eulx et leur appartenir po(u)r les
raisons susd(ite)s et ny prethendre nul droit de p(rese)nt ny a l advenir
et au cas aucung de sesd(its) hoirs ne seroit content de
son tiers d'heredite et viendroit a la repudier en ce cas
led(it) testateur luy donne et legue [con]formement a ce q(u'i)l a donne
et constitue ausd(ites) marie et margueritte ses filles sinon en
espece en valleur payable ainsi et en la forme exprimée
dans les contractz de leur mariage si dessus cottes et moyen(an)t
ce veult q(ue) ne puisse ou puissent rien plus demander sur
ses biens et heredite ce dessus veult et ordonne led(it)
guilhemot estre son dernier et valable testament noncupatif

cassant revocquant & annullant toutes autres dispo(siti)ons si point en
n y a le presant demeurant a son entier qu'il veult estre
valable par droit de testament noncupatif et disp(ositi)on de sa
derniere volonte et autremant par la melheure voye que de
droit et mieulx pourra valoir si a pries et requis les tesmoings
bas nommes par luy recognus de luy porter tesmoinage de verite
et se souvenir de son present testament et a moy not(aire) de
ce dessus luy retenir instrument ce qu'ay fait en presences
de m(aîtr)es michel vaissier licencier en droitz ysac solier not(aire) / david
massotier advocat / guill(aume) timbal jean hugonenc marchans
jean sabatier pie(rre) sudrier / fran(çois) sabatier jean lache habitans
de villemeur soubz(sig)nes lesd(its) vaissier, solier / hugonenc massotier
et timbal le testat(eur) et autres ont dit ne sçavoir et de moy not(aire)

Solier, p(rese)nt

Vaissier, p(rese)nt

Hugonenc, p(rese)nt

D. Massotier, p(rese)nt

Timbal, p(rese)nt

Pendaries, not(aire)